

• Peqqik

- [Hop til indhold](#)
- [Hop til sogning og navigation](#)
- [Hop til footer](#)

peqqik.gl

PEQQISSUTSIT NITTARTAKKAMI

vælg et emne

[DanskKalaallisut](#)

Ujaruk

[Attaveqarfissat](#)

... sammisaq toqqaruk

[danskkalaallisut](#)

Kommunerisat

[Qaasuitsup Kommunua](#)

[Qeqqata Kommunua](#)

[Kommuneqarfik Sermersooq](#)

[Kommune Kujalleq](#)

[Meeqqat](#)

- [Kigutigissaaneq](#)
- [Meeqqat nerisaqarnerat](#)
- [Akiuussutissanik kapitinneq](#)

[Naartusog](#)

- [Naartuneq](#)
- [Ernineq](#)
- [MANU](#)

[Inuunermi pissutsit](#)

- [Imigassaq](#)
- [Nerisaqarneq](#)
- [Timigissarneq](#)
- [Pujortarneq](#)
- [Tamaasa takukkit](#)

[Nakorsaaitit](#)

- [Nakorsaaitit pisiassat](#)
- [Paasissutissiineq siunnersuinerlu](#)
- [Nakorsaataasivik -ammasarfiillu](#)
- [Umiarsuarni nakorsaataasiviit nakorsaataasiviillu allat](#)
- [Tamaasa takukkit](#)

[Ajornartorsiutigaara](#)

- [Aanngajaarniutit – katsorsartinnissamut neqeroorutit](#)
- [Imigassaq](#)
- [Suliffeqarfiiit aangajaarniutit pinnguaatillu pillugit suliniuteqarnerannut najoqqutassiaq](#)
- [Hashi](#)
- [Tamaasa takukkit](#)

[Peqqinnissamik neqeroorutit](#)

- [Napparsimanermut leksikon](#)
- [Anigorsinnaanngisamik nappaateqalerneq](#)
- [Uppernarsaatit](#)
- [Sungiusarneqarneq](#)
- [Tamaasa takukkit](#)

[Kigutininik isumaginninneq](#)

- [Siunnersuutitsialaat](#)
- [Kalaallit Nunaanni kigutigissaanermi anguniagassatut siunniussat](#)
- [Kigutigissarfiup Ullua](#)

[Napparsimasunut paasissutissiineq](#)

- [Siunnersorti](#)
- [Unitsitaaneq](#)
- [Angalatilluni napparsimanermi ikiorneqarsinnaaneq](#)
- [Napparsimasut peqatigiiffii](#)
- [Tamaasa takukkit](#)

[Aningaasaateqarfiiit](#)

- [Imminut toquttarnermut akiuiniarneq](#)
- [Inuuneritta](#)
- [Peqqinnissamut tunngasunut illikartitat](#)
- [Sap. ak. 18](#)

[Paasisitsiniutit](#)

- [Timersorneq toqqaruk – hashi naaggaaruk!](#)
- [Eqqartoruk](#)
- [Inuusuttuuneq pakkutsigu](#)
- [Periarfissaqarputit](#)
- [Tamaasa takukkit](#)

[Iisimasatit misilikkitt](#)

- [Imigassaq](#)
- [Hashi](#)
- [Aningaasanoortarneq](#)

[Unammisitsinerit](#)

- [Klasse pujortarfiumngitsaq 2018](#)
- [Eqeersimaartoq - Unammisitsineq](#)

[Pisussat](#)

- [Saqqummiineq - Kalaallit Nunaanni innuttaasut peqqissusaannik 2018-imi misissuineq](#)

Imminut toquttoqarnerani qimataasut

Ullut tamaasa eqqarsaatitit misigissutsitillu allattakkit imal. toqusoq allaffigiuk. Taamaasillutit kingumut qiviarlutit allassimasatit atuarlugit nikeriarsimanerit aallaqqaataanisuullu oqimaatsigijuaannannginnera takusinnaalissavat. Toqusoqarnera pillugu ilinniagalimmik piffissami sivisujaami oqaloqateqarnissat isumagiuk inuunermullu ajunngitsumut ingerlariaqqissinnaaqqulutit eqqarsaatitit misigissutsitillu suliarikkit. Toqusup toquffia sungiunniarlugu nalinginnaasutut ersigisassaannngitsutullu isigilesinnaaqqullugu ornittaruk. Taamaaliornikkut eqqarsaatitit oqinnerulissapput.

Saaffigisat: Imminut toquttoqarnerani qimataasut – Nunarput tamakkerlugu

Imminut toquttoqarsimatillugu qanoq pisoqartarnera naatsumik oqaatigalugu

Imminut toquttoqarsimanerup kingorna nalinginnaasumik ima pisoqartarpoq:

- Toqusoqarnerata paasineqarnera
- Politiit attavigineqarnerat portørinillu aggersaaneq
- Timip toqungasup eqqaata politiinit assersorneqarnera
- Portørin toqusumik napparsimmavimmukaassinerat
- Nakorsap toqusimanermik nalunaarusiornera oqaluffiullu allaffianut toqusoqarneranik nalunaaruteqarnera
- Qimataasut ilaqtanik allanik kaleriinerat
- Qimataasut oqaluffiup allaffianut attaveqarnerat
- Oqaluffiup allaffianit toqusup suminngaanniit qassinullu anninneqarnissaa ilisaanissaalu pillugit radiokkut

allagarsiinikkullu nalunaaruteqarneq

i) Toqusut inaanni naggammik najuunneq

j) Oqaluffimmi ilisineq

k) Iliveqarfimmut angallassineq

l) Iliveqarfimmi ilisineq

m) Ilisineq naammassippat qimataasunut ilaqutaasunullu kaffillerneq

n) Qimataasut ilaqutaasullu aviisitigut aamma/ imal TV-kkut qujaniuteqarnerat

Naapikkumaakkatit najukkamilu ikiorsiisinnaasut

Imminut toquttoqarnerata kingorna pisortaqarfiit attavigiumaagassatit ukuupput: Immikkoortut toorlugit paasisassarsiorit:

Politiit

Toqusoqarnerani politiinut sianermermi, politiit napparsimmavimmut attaveqassapput tassanngaanniillu portørinik/nik aggersaanissaq isumagineqassaaq.

Toqusoqartillugu pinerluttoqarsimasinnaanerani paasiniaanissaq politiit suliaassaraat. Politiit naliliinerat naapertorlugu pisariaqartinneqarpat politiit kommunimi inunnik isumaginnittoqarfik attavigissavaat.

Inuulluaqqussutitut allakkat qimataasunut atuartinneqassapput. Allakkat suliap naammassineqarnissaata tungaanut politiit tigummineqassapput.

Politiit pisoqarfik assilissavaat, assit killiligaanngitsumik toqortarineqassapput. Imminut toqunnermi atorneqarsimasut politiit - sivilisunngitsumilli toqortarineqartarputaaq.

Politiit attavigikkit

Attavik una atorlugu najukkanni politiit [attavissannut paasisutissat pissarsiarikkit](#)

Napparsimmavik

Pinasuartumik attaveqarniaraanni ambulancimut sianertoqarsinnaavoq. Najukkanni [pinasuartumik saaffissat normui uani takukkit](#).

Sukkulluunniit najukkanni peqqissaavimmut saaffiginnissinnaavutit:

Nakorsamat sianeruit qanoq innerit oqaatigiuk

Nakorsiarnermi anigoruminaatsumik nalaataqarsimannngitsumik ilaqarnissaq isumatusaarneruvoq.

Najukkanni [peqqinnissaqarfiup normua uani pissarsiarisinnaavat](#)

Portørinut suliaasaat:

Portørinut aggersarneqarunik toqusimasorisamat pinasuartumik orniguttarput

Toqusoq portørinut napparsimmavimmut angallatissavaat

Nakorsap napparsimmavimmi takusaasup toqusimaneq uppersassavaa.

Nakorsap toqusunut uppersaasaat immersoriarlugu oqaluffiup allaffianut nassiutissavaa

Portørinut toqusup toqusut inaannukaannissaanut piareersartarpaat

Toqusoq amerlanertigut sap. akunnera toqusut inaaniitinnegartarpoq

Ilaqutaasut toqusumik naggammik takusaanissaat portørinut isumagissavaat

Toqusoq ulloq ilisaaffissaq toqusut inaanni tussinneqareerpat illerfia portørinut oqaluffiliaanneqassaaq

Kommuni

Innuttaasoq kinaluunniit ikiuutaasinnaasunik nassaarniarnermi ikiuuttussamik kommunimi sullissisoqarnissamut pisinnaatitaaffeqarpoq.

Kommunimi inunnik isumaginninnermi sukkulluunniit attavigineqarsinnaasumik pigaartoqartarpoq. Politiit aqqutigalugit inunnik isumaginninnermi pigaartuusoq attavigiuk.

Innuttaasunik sullissivimmu saaffiginnissinnaavutit tassanngalu sullissisussannut qanoq ikiorneqarsinnaaninnik naliliisinnaasumut innersuunneqarlutit.

Ass. tarnip pissusaanik immikkut ilisimasalimmu innersuunneqarsinnaavutit.

Ass. ilaqutariinnik sullissivimmu ikiuullutillu siunnersuisinnaasunut aamma innersuunneqarsinnaavutit. Ilaqutariinnut sullissivimmi ass. imminut ilisaritinnani akeqanngitsumik ammasumik siunnersuisarfeqarpoq. Ass. nerisassanut ineqarnermullu tunngasunut aningaasatigut ikiorneqarsinnaavutit.

Toqusup pigisaanit akilerneqarsinnaanngitsunut- ilisinermi aningaasartuutinu naammaannartunut akiliunneqarsinnaavutit. Aningaasaruutit naammaannartut tassaassapput ilisinermut akikinnermut akiliunneqarneq. Ilisinermut namminermt tunngasunut – illerfimmu, ilivissamut, naasunut assigisaannullu tapiisoqarsinnaavoq.

Immikkut meeqqanut inuusuttunullu 18-it inorlugit ukiulinnut ilaatigut makku neqeroorutaasinnaapput:

Namineq inuttut siunnersorti imal. tapersersorti oqaloqatiginnittarnikkut meeqqamut ilaqutariinnullu ikiuuttussaq Angerlarsimaffimmu orniguttartoq ilaqutariit ulluinnarni aaqissuussamik inuuneqarnissamut, meeqqanik killiliinissamut toqqammavissiiinissamullu ikiuuttussaq ilaqutariillu atuarfimmu, ulluunerani paaqqinnittarfimmu imal. meeraaqqerisumut attaveqarnerannut ikiuuttussaq.

Illit kommunerisanni attavigisinnaasatit uani takukkit:

[Avannaata Kommunia](#)

[Kommune Qeqertalik](#)

[Qeqqata Kommunia](#)

[Kommuneqarfik Sermersooq](#)

[Kommune Kujalleq](#)

Kommunerisanni perorsaasutut tarnillu pissusaanik ilisimasalittut siunnersuisartoq (PPR) aamma attavigisinnaavat. PPR meeqqanut ukioqanngitsuniit 18-inik ukiulinnut sullissisuuvoq. PPR-imi siunnersuisartut meeqqat alianartumik anigoruminaatsumillu nalaataqartut ilisimasaqarfigaat, angajoqqaanullu siunnersuineq ilitsersuinerlu- kiisalu meeqqanut inuusuttunullu pisoqareernerani (pisoqarnerata kingorna nal. ak. 72 –it qaangiunneranni) marloriarluni pingasoriarluniluunniit anigoruminaatsumik atugaqarnermi ikiorsiissutitut oqaloqatigineqarneq neqeroorutigisinnaallugu.

[Siunnersuisarfik MISI](#), Kommuneqarfik Sermersooq, Oqarasuaat: 366 330.

MISI Qeqertalik, Kommune Qeqertalik, Tlf. 70 19 00

MISI Avannaa, Avannaata Kommunia, Tlf. 70 18 00

MISI, Kommune Kujalleq, Oqarasuaat: 705430

PPR, Qeqqata Kommunia, Oqarasuaat: 865 540

Oqaluffik

Innuttaasoq kinaluunniit upperisaq apeqqutaatinnagu iliveqarfimmi ilisaanissamut pisinnaatitaaffeqarpoq. Oqaluffimmit makku isumagineqarsinnaapput:

Ilisinermi peqataasunik bussimik angallassineq

Bussit unittarfianni allagarsiinikkut radiokkullu ilisinissamik nalunaaruteqarneq

Oqaluffimmiit iliveqarfimmut illerfiup angallanneqarnissaa

Iliveqarfimmi assaasussat

Pisariaqarpat apummik nivattussat

Najukkanni oqaluffiup allaffianut [oqarasuaatip normua uani pissarsiariuk](#)

Oqaluffimmit isumagineqartussat:

Toqusup upperisaa apeqqutaatinnagu nakorsap toqusumut uppernarsaasiaa oqaluffimmit tiguneqassaaq.

Toqusoqarneranik nalunaarut oqaluffimmit immersorneqassaaq pisortanullu toqusoqarnera nalunaarutigineqassalluni.

Toqusup oqaluffimmit ilisaanissi kissaatigisimappagu, qimataasut toqusup kuisinnermut allagartaa, atserneqarnermut uppernarsaataa imal. katinermut allagartaa nassarlugit oqaluffimmut saaffiginnissapput. Toqusoq upperisarsiortunut

allanut ilaappat, ilisinissap aqqissuunnissaa pillugu upperisarsiortut pineqartut saaffigissavatit. Toqusoq ilagiinnut

ilaangippat ilaqutariilli oqaluffimmit ilisaanissaa kissaatigippassuk, palasip ajoqilluunniit toqusut inaanniit

oqaluffimmiilluunniit sivikitsumik naalagiussinnaavaat. Ilivissarsineq akeqanngila.

Qimataasut oqaluffik peqatigalugu isumaqatigiissutigissavaat:

Toqusut inaanniit qaqugu annissinissaq

Toqusut inaanni tussiutit suut atorneqassasut

Illerfissamik inniminniineq. Toqusoq illerfissarsiutileqatigiinnut ilaasortaappat peqatigiiffik attavigineqassaaq,

ilaasortaangippat oqaluffiup allaffianit napparsimmaviup peqqumaasivianit illerfissaa inniminnerneqassaaq.

Toqusoq anninneqareerpat qimataasut makku isumaqatigiissutaanissaat siunertaralugu oqaluffimmut

saaffiginneqquneqarput:

Ulloq suna nalunaaqutarlu qassinut ilisisoqarnissaa

Tussiutit suut atorneqarnissaat

Palasi oqaluffimmi ilisinermit atugassamik oqaluusissiorsinnaaqqullugu toqusoq qimataasullu pillugit paasissutissiineq

Erinarsoqatigiit kikkut oqaluffimmi tussiassanersut (ugeavisi aamma takuuk)

Ass. sila ajussappat qanoq iliortoqarnissaa

Ullormi ilisiffissami illerfik toqusut inaanniit oqaluffiliaanneqassaaq

Oqaluffimmi ilisineq

Sanningasoq, illerfik naasullu biilimut illerfimmik angallassisussamut ingerlanneqassapput

Iliveqarfimmut ingerlassineq

Iliveqarfimmi ilisineq

Palaseqarfik

Tarnikkut erloqissuteqarnermi palasimik oqaloqateqarnissaaq palaseqarfimmit neqeroorutaasinnaavoq.

Oqaloqatigiinneq nalinginnaasumik nal. ak. ataatsip iluani ingerlanneqartarpoq.

Pisariaqartitsineq naapertorlugu arlaleriarluni oqaloqatigiinnissaaq isumaqatigiissutaasinnaavoq.

Najukkanni palaseqarfup [oqarasuaataata normua uani naniuk](#)

Illerfissarsiutileqatigiit

Toqusoq illerfissarsiutileqatigiinnut ilaasortaasimappat, peqatigiiffik saaffigissavat. Peqatigiiffimmut ilaasorta q toqukkut qimaguppat illerfissarsiutileqatigiit illerfissaa akilissavaat. Illerfik, sanningasoq, naasumernit oqaluffimmiillu iliveqarfimmut ingerlanneqarnera qimataasut peqatigiiffimmit pissarsiarissavaat.

Kikkulluunniit ukioqanngitsuniit 17-inut ukiullit ukiumut 100 koruuneerlutik 18-iniillu ukiullit ukiumut 200 koruuneerlutik akiliuteqartarnikkut peqatigiiffimmut ilaasortanngorsinnaapput. Pisariaqarpat ilaasortaaneq akiliutaasartorlu pillugit peqatigiiffik attavigisinnaavat. Ilaasortaanermut akiliut allaffimmut saaffiginninnikkut aningaaserivimmiluunniit konto-mut nakkartitsinikkut akilerneqarsinnaavoq.

Atuarfiit

Atuarfiit aqutigalugit inuusuttunut toqukkut qimataasunut immikkut neqerooruteqarpoq:

Ilinniartitsisumik oqaloqateqarsinnaavutit

Atuarfiit ilaat inunnik isumaginninnermi siunnersortimik atorfeqartitsipput. Atuarfiup allaffianut saaffiginninnikkut inunnik isumaginninnermi siunnersortimut innersuunneqarsinnaavutit.

Tassani atuartut inunnik isumaginninnermi siunnersortimik sivikitsumik oqaloqateqartarnissat periarfissaraat, angajoqqaataaq ilinniartitsisorlu isumaqatigiissusiornikkut atuarfimmi inunnik isumaginninnermi siunnersorti isumasiorlugulu siunnersuisissinnaavaat. Atuarfiup allaffia immersugassamik peqarpoq. Immersugassami ajornartorsiutit inunnik isumaginninnermi siunnersortimik oqaloqateqarusunnermut patsisaasut naatsumik oqaatigineqassapput. Illit nammineq inunnik isumaginninnermut siunnersortimut saaffiginnillutit taanna peqatigalugu immersugassaq immersorsinnaavat.

Ilinniaqqinnerit akunnattumik sivilissusillit qaffasinnerusumillu angusaqarniarluni ilinniaqqinnerit

Ilinniarneq pillugu siunnersuisoq oqaluussinnaavat

Illoqarfiit ilaanni ilinniartunik siunnersuisartumut innersuussisoqartarpoq

Tarnip pissusaanik immikkut ilinniagalimmik kisimiilluni ataatsimoorlunilu oqaloqateqarneq.

Inuunerissutsinnut sunniuteqartumik ilinniakkannullu akornutaasumik tarnikkut ajornartorsiuteqarnermi akornusersuisunilluunniit eqqarsaateqarnermi neqeroorut

Ilinniarfiit aqutigalugu ilinniartunik siunnersuisartumut innersuunneqarsinnaavutit

Atuarfiup allaffianut saaffiginnigut oqaloqateqarnissarlu noqqaassutigalugu.

Eqqartuussivik

Toqusumut uppersaatip palasimit tunniunneqarneragut nunap immikkoortuani eqqartuussivik toqusoqarneranik ilisimatinneqassaaq. Nunap immikkoortuani eqqartuussiviup toqusup pigisaasa agguanneqarnissaat isumagissavaa.

Nunap immikkoortuani eqqartuussivik kommunimut, aningaaserivimmut, INI A/S-imut, Nukissiorfinnut Tele-mullu - toqusoq aningaasanik pissarsiassaqaarnersoq paasinialugu allagaqassaaq. Nunap immikkoortuani eqqartuussivik illerfissarsiutileqatigiinnut kingornussassialianillu nalunaarsuiffimmut aamma allagaqassaaq.

Nunap immikkoortuani eqqartuussiviup toqusup pigisarimasai kikkullu toqusumut ilaqutaanersut paasinialugit toqusup ilaqutai attavigissavai. Qimataasut namminneq aamma nunap immikkoortuani eqqartuussivimmut saaffiginnissinnaapput.

Toqusup ilaqutaasa toqusup pigisai nalinginnaasut nalillillu pillugit paasissutissat immersugassamut allattussavaat nunallu immikkoortuani eqqartuussivimmut tunniullugit.

Kingornussisussat arlaqarpata nunap immikkoortuani eqqartuussivik peqatigalugu ataaseq toqusup pigisaanik isumaginnittussatut toqarneqarsinnaavoq. Taamaattoqassappat pisinnaatitsissut atsiorneqassaaq. Tamatumunnga atatillugu toqusup akiitsoriumaagaasa isumaginissaannut kingornussisussat pisussaaffeqarput. Akiitsorisinnaasat akilernissaannut

pisussaaffmmik tigummisaqarumangikkaanni, toqusup pigisaasa nunap immikkoortuani eqqartuussivimmit isumagisassanngortinneqarnissaat periarfissaavortaaq.

Nunap immikkoortuani eqqartuussivik ilaqutariinnik oqaloqateqareerpat, eqqartuussisup toqusup pigisaasa qanoq agguanneqarsinnaanissaat isummerfigisinnaasarpaa. Tamatuma kingorna pigisanik agguassineq immikkut ilisimatitsisoqarani naammassineqarsinnaappat paasitinneqassaatit. Suliaq imaaliillaanaq naammassineqarsinnaanngitsoq paasineqarpat, nunap immikkoortuani eqqartuussivimmut ataatsimiigiaqquneqassaatit. Toqusoqarneraniit qaammatit marluk missaasa qaangiunneranni suliap qanoq ingerlanneqarsinnaanera pillugu nunap immikkoortuani eqqartuussivimmit oqaaseqaateqartoqarsinnaasarpoq.

Ilaqutaasut namminneq ilisinissaq isumagissavaat aningaasartuutillu akilerallassallugit. Toqusup qimataanit akissaqartinneqarpat aningaasat akiliutaasimasut taarserneqassapput. Ilaqquttat arlaannaalluunniit ilisinermut aningaasartuutunik akiliisinnaanngippat kommuni ikiuussinnaavoq.

Najukkanni nunap immikkoortuani [eqqartuussivimmi attaveqarfissat uani pissarsiarikkat](#)

Qimataasunut ilaqutaasunullu tunngatillugu inatsisit pillugit siunnersuutissat pitsaasut:

Toqusup pigisai paarilluakkit.

Toqusup aningaaservimmit aningaasanik tigusinissamut allagartaa imal. illumut, biilimut angallammulluunniit matuersaatai ingerlaanaq nunap immikkoortuani eqqartuussivimmut tunniunneqassapput.

Toqusoq aningaasanik tigummisaqarsimappat toqusup qimataanut tunngatillugu kontomut ikineqassapput. Ikisinermut uppersaasat korti ilanngullugu nunap immikkoortuani eqqartuussivimmut tunniunneqassapput. Toqusup qimataanut kontomik sulii pilersitsisoqarsimannngippat nunap immikkoortuani eqqartuussivik attavigineqassaaq.

Toqusup kontoaniit tigusisinnaanngilatit – taamaasioruit aningaasat utertinneqarnissaannik piunaffigineqarsinnaavutit. Suliaq naammassitinnagu toqusup akiligassaanik akileeqinak.

Pigisat nalillit – tuniniarneqarsinnaasut nalunaarsorsinnaavutit.

Inatsisinut tunngasunik siunnersorneqarneq

Inatsisinut tunngatillugu ajornartorsiuteqaruit apeqqutissaqaruilluunniit inatsisinut tunngatillugu nalinginnaasumik ikiorserneqarnissaq noqqaassutigisinnaavat imal. annertusisamik inatsisinut tunngatillugu ikiorserneqarsinnaavutit.

Inatsisinut tunngatillugu ikiorserneqarneq tassaavoq inatsisinut tunngatillugu akeqanngitsumik siunnersorneqarneq:

Inatsisitigut ikiorsiisarfiimmit imminut ingerlatittumit [Ikiu-mit](#),

Eqqartuussissuserisumit nammineq toqqakkamit,

[Eqqartuussissuserisut nalunaarsuiffianneersumit](#)

Imminut ikiorsersinnaanermut periarfissat siunnersuutillu pitsaasut

Tassani pisortaqarfiit imminut ikiorniarlutit attavigisinnaasatit allassimapput.

Alianartumik nalaataqarsimasut ikorfartoqatigiiffii

Kommunimi pinaveersaartitsinermit siunnersorti aperiuq

Ugeavisi takuuk

Oqarasuaatikkut siunnersorneqarneq

TUSAANNGA – TLF. 801180, SMS 1899

Tusaannga ullut tamaasa nal. 16.00-imiit 22-00 tungaanut ammasarpoq, attaveqarnerlu akeqarani kinaassutsimik isertuussisuulluni. Meeqqat, inuusuttut, inersimasullu tamarmik oqaloqateqarnissamik, allaqateqarnissamilluunniit pisariaqartitsisut Tusaannga attavigisinnaavaat.

Atuakkat, dvd-it, nittartakkat, quppersakkat il.il.

Imminut [toquttoqartarnera pillugu sammisaq uani takuuk](#)

Periarfissat allat

IKIU (324548) inatsisitigut ikiorsiisarfiuvoq; inatsisinut tunngatillugu apeqqutissaqaruit kinaassuseq isertuullugu akeqanngitsumik siunnersuisinnaasoq ilitersuisinnaasorlu.

Mælkebøtten (314114) meeqqanut inuusuttunullu tamanut ornittagaasoq inersimasumik oqaloqateqarnissaq pisariaqartikkukku ikiuussinnaasoq.

Neriuffik – Kalaallit Nunaanni kræfti akiorniarlugu suliniaqatigiiffik (490489) soorlu toqusoqarneranut atatillugu misigissutsinik iliuuseqarfigninnissaq pillugu pitsaasunik siunnersuutissalik.

Kalaallit Røde Korsiat (321800) inuttut anigoruminaatsumik atugaqarnermi tarnikkut ikiueqqaarnermi- soorlu inuttut anigoruminaatsumik atugaqarnermi pitsaasunik siunnersuutissalik.

SIK – Sulinermik Inuusutissarsiuutillit Kattuffiata (321740) qanigisamik toqusoqarpat ass. suliassanut tunngasunik ikiorlutillu siunnersorsinnaavaatit.

[NassiussigitPDF-iliariukEmbed](#)

NUTAARSIASSAQ11. juulip 2019

[Meeqqanut inuusuttunullu aanngajaarniutininik ajornartorsiutilinnut pilersaarut](#)

Naalackersuisut meeqqanut inuusuttunullu aanngajaarniutininik aningaasanoortarnermillu ajornartorsiutilinnut neqeroorutininik pilersaarut maanna akueraat. Naalackersuisoq Martha Abelsen oqarneratut: ”Meeqqanut inuusuttunullu aanngajaarniutininik ajornartorsiuteqartunut neqerooruteqarnissatsinnut amigaateqarnikooqaagut. Atuutilernissaa qanimut malinnaavigissavara”.



NUTAARSIASSAQ12. juulip 2019

[Peqqinnissaqarfiup peqqissaaviini tamani uninngasunut internetsikkut](#)

attaveqaat

Maanna uninngasut tamarmik nakorsartinnerminnut atatillugu illoqarfinni najukkaminni peqqissaavimmi, qitiusumik napparsimmavimmi imal Nuummi Napparsimmavissuarmi, ilaqtanik qanigisanillu allanik attaveqateqarnissamut Peqqinnissaqarfiup silaannakkut internetsikkut attaveqaataanik atuinissamut periarfissaqalerput.



Peqqik.gl pillugu



Atortussanik inniminniiffik



Ilinniartitaaneq



Suliaqartunut



Info in English



Nutaarsiassat



Videreuddannelse



Saqqummersitat

Denne side bruger cookies for at gemme nogle informationer på din computer. Acceptér eller [læs mere her](#).